

ZRZESZ KASZEBSKÓ

CZĄDNIK
KASZEBSKJICH ZAJMOV



V MJONO BOSKJI
NORODNI VZENJIK

Vëdovajaci i redaktor wodpowjedzalni:
IGNACY SZUTENBERG — GDYNIA
ul. Świętojańska 14.

„Zrzesz Kaszebskô“ wëchodô 1 roz v mjesaci. Przedplatnô je rocznje 3,00 zł; kwartalno 0,75 zł. Czãdk 25 gr.

NR 7

KARTUZE, lepjińc 1938

ROK VI

MIE TRZECIE POKOLENIJE

Z partu zrzeszińców przëselajã nama artikkel jakno echo „głosow prasë po smjercë Majkovskjiho“. Podovô kriticzni pobłôknjenjé na słodę ruchu kaszebskjiho, na dorobjenjé mlodo-kaszebov i na ternjeszi položenjé. Hevo nen tu artikkel zafarvjoní je novim jakbe vezerem na całosc kaszebjizně. Choci v njechternych molach budzi wuvzëcë, bo javernota najiho ruchu kaszebskjiho koże njejedno wobgodac — dovomë go pod sąd wogłovi zrzeszińcov i prosimë tež Czëtińcov do vëpovjedzenjiho sã na ne tu wuvogji. Red,

Przezer prasë po smjercë najiho Mestra, tvorcë „Remusa“ wodkrel nom wusztołcënjé sã opinjé wo ruchu kaszebskjim po vojnjé. Z tą opinjã nje cało przëchodo sã zgodzëc. Ale i dlo naju samech, stojãcech v ruchu kaszebskjim je chvjila zapitanjiho, czim je (na vjedno) wuzli wod naju Mester, i co nom, postëpnim u pokolenjim u wostało do robjenjô, cze som ni mog vëprovadzëc. Pjisãci wo kaszebjizně majã na meslë pravje le literaterë, novezi jesz gronkji czë haftë i moze jesz ledoznajorstvo. Tëc je jesz lud kaszebskji, je „ruch kaszebskji“. Mester bëł przednim przedstovjicelë literaterë i tež stanjicovim dejë kaszebjizně, ale nje bëł won ruchem kaszebskjim. Muszimë navetka rzec, że jeho pobłosknjenjé na sprave kaszebskji nje bëło nje je to samo co nasze. I ti, co na kaszebjizně zdrzã le jeho wokë, milã sã.

Vjidzi sã tež, że nasz Tczëvortni Mester v situacjé Kaszebjizně ternjeszi nje rozzedzdrzel sã tak jak dovnjej. Situacejô bo ta po vojnjé baro sã zjinacza. Czë Majkovskji bjotkorz kaszebjizně wumar bez wotrokov dechovëch, vsebotnych? Tak meslel som v poezjé svoji, v godzenje meri, kjej pjisoł smutno i njedovjerzãjãco wo „geńbovni smjercë“, chterna

czekô jeho lud njedługo, „po vjeku i cvjere“. Stãdka meszlenjé, jakbe wumar ju „wostatni Kaszeba“! Tu jednak më podnoszomë głos i wołomë vjesolo, ale derno: Hola! Daleko jesz do wostatniho Kaszebã! I gves, całô rodzezna jeho senov decha stoji kole jeho marov, a prôcë jeho ju za žëcô vzëło całë pokolenjé mlodech Kaszebov, chterni wunjoslë z jeho grobu stanjicë i delë podlecëc Grifovji, choci starszi, jak to starszi, na to sã czëbjilë! To tež nje je dobetnim, co chteren z nekrologistov napjisol, jakbe do smjercë Mestra njick bez nje sã nje wobëło na Kaszebach. Ternjeszi ruch kaszebskji, chterniho przednjikama jesmë më, zrzeszińcë nje naczał sã jednak z inicjativë Mestra, choci nom vstec služël svojà rada.

Njejedno nas rozni wod Majkovskjiho, i jeho pokolenjiho. Po vojnjé won coroz vjici vëcopivô sã z reszniho, aktivaiho ruchu kaszebskjiho. Mjoi mekcnjé bo jasno i dobetno ze zjinaczenjiho frontu, pjisãcë wo smutnim, szkodlevim antagonizmjë głëbokjim midze Kaszebama ë Polochama (zdrzë Zrzesz str. 38).

Hevoz dzãalnosc, robjizna kaszebskô Majkovskjiho stoja czësto pod znakë bjotkji z germanizacjã nje leno ledu i zemjé, ale i kulterë vsebotni, dechovi. Brzôd ni bjotkji zbjerelë rovno Kaszebj jak i Polskô, brzôd rozmjeje sã trebacejë Mestra (Won som jeden nje zbjerol brzadu). Jize prôcô jeho bëła dlo zvesku Polskji, temu vespjera go inteligencjô Polskô, choci nje tak baro. Že i najô kaszebskô kultera vzëła przë tim triumf, to nje je to zaslužënjim inteligencjé, ale genjusza Mestra i ledu, chterniho je senem. „Remus“ bo nje je dokożë czësto literackjim, jakjim je vesmë na to dzël lirikov. A bohaterë jeho je lud kaszebskji v postacejë ledovi podajovihô, legendarniho Remusa — Remjosza. Po

takim wuprocemajenjim „nastavjenjim do ledu poznovomě provdzeviho poetę. Chto zôs vloži do poezej tendenceje, sklonnote politicznj czě tež ledoznajorskij, to nje poeta, ale leterat.

Ale ze szteruszkę varcenjô Kaszebov na klin kulterě polskji skuńcza sę bjotka z njemiecką kulturą abo negativnô strona zadanijho notejsziho pokolenijho bjotkarzov kaszebskjevch, a wostało gvoscevi zadanjé, co donądka stojalo na dregjim molu, to podnjesenjé kulterě kaszebskji. I no je zjinaczenjé frontu: Chterni donądka bele wużeczni spravom kaszebskijm leno vedle germanizacejé terusku vėrzekle sę pomocě (zdrzě sprava „Gryfa“), a na jech mól po latach przėvanożelo karno zavodovech regionalistov abo navetka njikvjelě je. Takji poceskujanjé, przesladovanjé wodczelejesmė novjici wod stroně Poznania, wod ledzi, chterni v wosamantanjim nacjonalistecznim vjidzą njebezpieczni goně v samėdzelnoeě kulterarni wokoliho, regjonu.

I hevoż mē z trzeciho pokolenijho poznelejesmė prosto, że przėszło nom vzie zadanjé nje wod poprzednjikov bezpostrzednech, ale wod pjersziho pokolenijho bojarzov wo kulterę kaszebską, a to, be sprave kulterarni nje wutoněl v njikvjaci ekspansiejé kulterarni Polskji, tak jak pokolenjé Mestra baranjelě jęzeka i decha svońskijho przed vargovą germanizaceją. Pjerszi pokolenjé novoczesnech Kaszebov, to je ezas Cenovė i v gvesnim dzelu Dėrdovskijho.

Znovu momė mekcenjé vjidnė, mē razem z nim pjerszim pokolenjim, zez historeczni genezė, zez historeczni konjecznote, a vjic gvesnote najech zgrovov wokolo tatecznė! Dva sę korzenje te ruchu, jeden sigajaci polskji kulterě, dregji njemieckji, zgodni z naszym položenjim geograficznim i dziejovim. Dejalė filareckji, norodo-społeczno-eticznj zjavjelė sę na Pomorzim kosink chudzi przed svjėtim wognjé „zimku ledov“ wod Zopodu, ale zbijajacė sę z njima (choei z jedniho vspolniho decha neoeuropejskijho vjedejaci sę) zapoleł sę v jasni płom. Wu Cėnovė vszetkji trzė pjervjostkji teho dejalu, społeczni i eticznj kole norodniho, barzi sę vjidzēc jak wu pozdnjesziho Dėrdovskijho. Jednak ti dvoje vjolgji Kaszebjj noleżelě do se dobetnej njigle sę dzisi vjidzi. Tech dvuch filomatov parłeczzi ze sobą

vjici njigle parłeczelo jednostkji z dregjiho pokolenijho Kaszebov, to je svjadomosc kaszebskō. Tęc to Dėrdovskij napjisol ne slova pelni gorzklevoscė, rovno cėnovskji:

Mė Kaszebjj jesz strzeżemė tu Polskji morskjevch
(granjic,
A v Varszavje naszi bracė mają naju za njic!

Mō nen ruch Kaszebskji, zrzeszińskji, korzenje czesto polskji. Ale i pomorskji, gvesni antagonizm, Kureszce slova Mestra wo antagonizmje tim wuvozajemė za baro pesimistecznj. Mė procemaje szukomė rozmjenjé, chcemė gładzēc, jednac, godzec. Bo leno v atmosferze zgodě možno je procovac kulterarno. Nasze stanovjiszce je jednakze žemkjeszi njigle beło dregjiho pokolenijho, tak grėdi jak z pjersziho! A jednak momė spuscznė po wobuch. Majkovskji nom vskożel dejal: lu d. Jęzek ledu, vjic proza! Z ledu brac: dzieje i postaceje (Remus itd.) Dlo ledu pjisac. Vjic nje vseapartnote, individualizmė inteligencjkji vėehovivac. Majkovskji njj mjoł wokolo se anji ledu, anji inteligencejé. Som beł som jeden. Vjele z jeho pokolenijho wo njim tere pjiszze, ale chto z njim vspol pręcovol? Inteligencejé storiho czasu, jak całō europejskō, znankuje vseapartnota beznodzejmō. Mē zôs rzeszimė kole spravě kaszebskji młoda, jiną inteligencejé. I dzisi, co szezeri Kaszeba vestrzod njj, kole naju stoi. Pravje rozbjici notejszi inteligencejé, schodzaci do grobu, dało zmloni vraženjé, jak kjejbe Majkovskji stojel na straconim mōlu. Ale won nje beł pjerszim, nje wostatnim Kaszebą. Vita brevis, ars longa! Sprava ledu nje gijnje z jednim z jejji senov! I to je najō moc, doczēc vspolnotė inteligencejé z ledu. I doczēc provdė. „Jonk wod Sovjotu”.

Zdanjé v pjerszim dzelu artikjelu „Muszimė navetka rzec...” i dregji vėmogō vėjasnjenjō, Autor mō tu na mesle Majkovskijho z czasu przedvojennijho, jak vjidzēc to z postėpnijho vatkju i z jehō wuprocemjenijho sę do „Remusa” i jehō tvorcė. Majkovskji po vojnje, a przede vszetkijm v wostatnech latach, tak zdrzol na sprave nasze jak zdrzimė mē dzisi, zrzeszińce!
Red.

ROZMISZLANJÉ NA PARGU KASZEBJIZNĚ

Ledzkosc mō jeden cěl: podcignac sę na novszsi stėpjini v svojim rozklecim. Temu tovarzå rozmajiti dukte, jakji so człovjek naprovodzō, to sę podcėle, chterne jednak rōdzą sę z noternijho gonu — instinktu; instinkt zafarvjoni rozemę dovō jima kjerenk. Koždō pręcō je zvarconō do podtrzymanijho gatenku — przėnomji v ti wudbje sę rodzi. Jele chce so cos zrobjic, to muszė to chce, to je mje

potrzebni, choei vjidzi sę, że v calosce jem nje brekovoł te. „Jō” fizeczni te nje brekovoł, ale „jō” dechovi to muszel mjec. Sadnac so, głowę vesprzec i wo „njiczim meslec” czasem człovjek prazi. To je ston deszė. Tej novjici rodzi sę tesknjica do vėpełnjenjō lukji, chternę postrzegō sę vkoł se. To je tajemnjō wu człovjeka przez Boga mu vlanō wu jednech vjici jak wu dregjevch. V takjevch vėpodkach

budzi sę tvorznjô, chterna dovô sę vjidzec ve filozofijê, pœezejê i vszêdni prôcê wo statecznotê człowjeka v žëcim.

Forme społeczni, politeczni i jini sã tvorem ledzi dlo ledzi i porzãdku. Vszebêcê mô svoj porzãdk. Człowjek muszi sę dopasovac do nje, a dosignje to przez coroz lepsi poznanjê povjinnoscov i pravov nôležnych mu i njenôležnych, Tim człowjek je przëvjazani do ti prôvdê, jakã je žëcê! Nje je njevolnikê v tim; slechac provdê znaczy bœe ji nasziñcem, przëcelem, nje njevolnikê.

Egojizm ledzkji rodzi vszêdne mordarstva. Moralnosc mô bœc mjarã człowjeka, jakôž wona dzisi je? Człowjek procimko do svoji ere wupod jednak, kureszce tak jak jeho era zmaterjalizovanô. Svjat dziseszni to jedno vjalgi koło, chterno le robi zgovor. Cêž to mje pomože, kjej le sę mogê v jeho krãcenjim na dol przëvjeseć!

V svjece felec dejalezmu. Dejalezm, choci rodzi czasem ledzi njekompletnech, kjej je zmjiloni, jednak procimko pchô ledzkosc v remjona vëszszio žëcô. To je jeho dobrotã: rozklivô kulterê dëchovã. Dze won žëcê farvji tam wubetk, statecznosc je. Człowjek go muszi mjec, jele straci, traci svojê vortnotê i czëcê rzeszenjio. Dejalezm nji može bœc wobsadli przez rozem. Ten wostatni nje je skuñczoni i za vjolgji budzi egojizm procimko do dejalezmu, chteren mô znankji altrujisteczni, kjej movjimê wo znjizonim do bležszi javernotê; bezgreñcovi dejalizm mô znaczenji woglovo ledzkji, nje je zveskovni tam, dze jidze nopjervi wo społecznoŝto v pañstvie czë norodze. To muszi žëc v krëgu svoji javernotê, be zrobjało cos, nje zgjinêło nje zrobivszê njick. Tu jidze wo vërobjenjê przez vëszszã kulterê intelektualnã svjadomoscê svojio bëcô dlo retenku całoscê, wo vëtvorzenjê dejalezmu zafarvjonio intelektualnemê. Ten nji može rozklivac chebnio egojizmu czë teŝ individualizmu, anji njevavernotê. Prziklodov dałobe zastavjenjê racionalizmu a dejalezmu zmilonio z epokji revolucejê franceskji czë teŝ europejskjiho z 1848. Rozem stol sę bogê, ale nje takji rodzeł pjervjostkji; beł to le instinkt wo słabi sko-

repje rozemu, a dejalezm belno njim przefarvjonio.

Wu naju dovô sę vjidzec dzisi teŝ gvesni dejalezmu. Stvorzeł go ruch kaszebskji. Nje je won teli z procesu kulterê intelektualni, jak romantikji choci nje czesto wodervani. To je njebezpjecznotã, bo wunjosli tã mozemê zabec wo fudameñtach, jakjim je lud. Nje znaczy to, žebe przednjietvo mjało nagjibac sę czesto do ledu. Nje. Ale do jeho javernote! Ko lud žëje teŝ choci njszszim vëwobraženim dejału. Wodepchnjenjê go tvorzi zastojenjê vszêdni tvorznotê, a lud takji razem z jeho wodcama vsadzec be mog v szklanã szafê abo želaznã klodkê i vëslac do muzeum czë jiniho predstavjelstva martyotê! Tvorzmê z ledê, dlo jeho rozklecô!

Žebe dejô da sę vëprovadzec czeto wodrazu, to je njemožlevotã, ê vemogô dlugji prôcê. Dosigô sę je v dzelu, ji bležszã dlo nego pokolenjio dobrotê abo teŝ v całoscê nje, paczãcê ji znankji. Z tãdka momê rozmajiti poblosknjenja na sprave ledzkji. Vasta Labuda, chteren spravje kaszebskji dol czë teŝ vëjavnel dziseszni dejal baro sę jeji przësluziel. Ekspansejô za Wodrê, to nje je njemožlevi, ale kjej? Tvorzmê so vjic nopjervi belnê pospodlê na cvjardim najim greñcê. Ko v Europje czë v svjece može sę vëtvorzec situacejô nom wužeczno, a pravje vzãvszê pod vogê dziseszni imperjalezm hitlerovskji v ruchnach „miru“. Njech koŝdi, kjej mô bœc mir, v svojim dorobjenjim prôcejê! Jedna rodiezna pokrevnech norodov moglabê sę vëtvorzec, ale njigde žebe Germanovje, Slovjanovje czë jesz jini rase mjałobe panovac nad wostalima; egojizm ledzkji je za vjolgji!

Boczme tejde žebejesme tvorzeł vortosce dlo svoji bležnotê. Nasz dejalezm chce rozszerzec greñce Polskji, ale cêž chceme mjec v tech przëdanech možlevoscã baro, baro dalekã? To muszi bœc naju gone. Kjej jista belnotê zanolegô wod kulterê, to gon wo to muszimê dzisi mjec. Rozklivejmê jê javernim pobloskivanjim na najã spravê. Kjej duñdzemê do te, mozemê bœc spokojni i doprovadzimê naj lud na vëszszio vjedno stegne.

Rëbjok.

Dokuñczenjê mdze.

JEZEK SZWAJCARSKJI a KASZEBSKJI

Mê Kaszebjki kjerejemê boczenjê redzi na takji norodê abo szczepe, chterne sã v juvernech varenkach rozklecio norodnio i kulterarnio. Mogło sę vjidzec, že ju wostatno godzenã przëszla dlô môlech jednostkov norodnech v epoce, kjej dzeje politeczni sã robjoni przez brutalni zveskji vjolgjeh gospodarsko pañstvoc abo racejonalni. Tak vjidze-

lejesme jak na woczach svjata norod wo dojni slodzê, abisiñskji, je przëgrëdzoni przez naszlech Vlochov. I Chine gotovi stac sę „chłopsê“ moľio norodu Japonczekov, a wo rozebranjim Czechoslovacejê movji sę novjici v Njemcach i Polscê. Norode jednak wo mocni vole norodni, choci sã maľi i słabi na pozdrzãdk mogã sę przekovac njikvjenjimu przez

vjolgji, podczos kjej slabi wusvjadomjenjé norodni wupodô, Austrejô. Czechoslovacejô i Szvajcarejô są przikładama, jak navetka nochebnjeszi planë zawojowanjijo njemjeckji, preskji vjici dzeczezne są zavstedzali przez seŕę moli jednostkji norodni. Szvajcarejô wod downa je gvosną nacejã, mô gvosni państwo i kulterę stara, svojistną,; ale choci mô gvosni jęzek wo vjelocce djalektov, mja ten svoj jęzek za gvarę njemjeckã i v szkołach, i v całoscë jakno jęzeka kulterarniho wużiva jęzeka vjolggo-njemjeckjijo, leterarniho jęzeka Njemcov. Jednak ju wod vjolgji vojne, jak Szvajcarejô sta se coroz vjici wodpartijnô politeczno, dovô svoji gvarze coroz szerszi mol v kulterzë krôju. Ju wod kjile latov možno je v audicejach radjovoch dobaderovac se, jak pomału sta se na gvara szvajcarskô — jęzekë kulterarnim krôju, vëpjichajãcë coroz dali leterackji, chternim provdac movjã Szvajcarovje, ale v godce baro zjinaczoni. Nopjervi belë leno gutorni i letkji dzele programovi v radjo v jęzoku szvajcarskijim, po tim szła leteratera, vjic poezeje, dramate. Wod dvuch lat ju są vëkladë v znance nowukovi i moralni vëgłoszani. Terusku dokonivô se zvert v całoscë. Vargovi zgrove hitlerejë, pražãcë vedle „allddeutsch i grossdeutsch”, jinakji vedle nacionalezmu njicovac krznjata kulterę szczepov njemjeckjich, Szvajcarovje wodeinajã se vërazno wod jęzeka vjemjeckjijo leterackjijo. V korbanjim, v gazetach, v wurzędach naznakivô se gon wuczenjim jęzeka Szvajcarov — jęzek szvajcarskji, jęzek gvosni.

Jakô z te je nowuka dlo naju Kaszebov inteligentov, chterni pražimë dlo svojijo spoziho jęzeka (czë tam gvarë, jele konjeczno chto chce!) možebniho rozklecô i dozeranjijo. Dalekji jesmë wod choroblevi vjolgôsô, bejesmë chcele svoje movę postavjic na rovnim znaczenjim z polskijim jęzekë, abo mesleë wo zastãpienjim njã polskjijo. Jednak v ramach regionalezmu lojalniho i konsekventniho, jakji je nãszim programem, vëbjotkovac chcemë szerszi môl v kulterzë kaszebskji i pomorskjijo krôju, njiže dotãdka mô najô movã kaszebskjijo. I tak nachodajã gvesni paralele z przikłodë szvajcarskijim. Hevož gvesnô juvernoa zachodô wod downa v wobuch vëpodkach procimko do ledu do wurzędovihô jęzeka. Szvajcarovje provdac rozmjējã vszetce jęzek leterackji i kjej je potrezb godajã njim — v koscelë, školë. Jednak le intelligencejô mô go za svoj jęzek, a gvosevi norod wobstovô na svoji gvarze. Juverno belo njedługuszko jesz wu naju Kaszebov z polskijim. Przëboczmë so dlo svojech cëlöv v lubjenjim i dozeranjim najiho jęzeka takji womeñte rozklecô vdarzoni v jęzoku szvajcarskijim. A vjic vjolgji znaezenjé radja teho belniho nerzędza kulterë. Kaszebjizna najô, jak vjemë je mocno dorobjanã na požetk nje-Kaszebov. Natomjast gvosevô leterarnô kaszebjiz-

zna, ani dozeranjé leteraterë kaszebskji nji mô z o d n i h o molu v radjo.

Jasnim je, jak vjolgjé znaczenjé mô leteratera, to je jednostkji tvorznjovi na polu leteraterë, v rozklecim kulterarnim jęzeka. Poeczë to gvosevi tvorcovje jęzeka, a materjałë tvorznjovim to lud. Wostatni zôs wugvesnjajãci zvert v tvorzenjim jęzeka szvajcarskjijo vëkozivajã jesz dva baro vožni womeñtë, dlo naju Kaszebov: jedno to vola inteligencjkji varstvë, be godac v tovarzestvje svoja gvarã — jęzekë, rozpjicha drožeszczë do njivë nowukovi i moralno-religijni. Ten dzël programu më zrzesziñcë podkreslejesmë wod pocãtku, tak samo jak dregji: to je baro vjolgji znaczenjé prasë czësto „gvarovi”. Bo koždô gvara je jęzekë vjelovortnim, v chvjile kjej farvji se znãnkama gvosni kulterë, tradicejë i rozklecô ë gvesniho wusvjadomjenjijo gvosni vortnotë i apartnotë. Do te nje trzebno žodniho separatezmu. Separatezm bo zgrovo do gvosnech greñcov, państwa, pjenjedza, vojska etc. Vãtpjë czë komule z naju takji deje przëszlë do glovë, Natomjast dozeranjé gvosni wortotë kulterarni — to povjinnosc kulterarniho cëlövjeka.

J. m.

Spusieczna Ramuła do vzeru

Z materjałov po Stefanje Ramuła, złożonech v Institucë Zochodno - Slovjańskijim przë Universitecë Poznãńskijim wosta vëdanô „Gvara ślemieńska” ze Slovńjkem; do dreku przëgotovól i doł vstëp Edward Klich. Poznań 1930.

Reszta spusiecznë dopjerze nje je vëkorzestivanô. Vedle wudbe prof. E. Klicha, vërazoni v lesce do naji, materjałë te nje nadovajã se do publikacejë, ale tak sobje do vzeru, vglãdu. Chto chołbe se v nech rozpatrzec, może je dostac na molu. Materjałë te są v wopjecë direktora Institutu prof. Rudnjickjijo, chteren zapevnjô, że materjałë mogã bëc przez kogos chëtniho przezerani v Institucë. Spjisu jejech nji momë. Vskozivomë na lest gdovë po St. Ramuła wogłoszoni v „Zrzesze Kaszebskji” nr. 12 z 1937 roku, v chternim podovaje gvesną orjentacejë.

Wuvožomë, że materjałë slovńjikovi majã i dzisi svoje vortnotë, a dobetno dzël dregji Ramułtoviho Slovńika jęzeka pomorskjijo abo kaszebskjijo; dzël I. vëda Akademijô Wumjejętnoscë v Krakovje 1893 i wodznacza nogrodã na konkursu mj. S B. Lindeho v r. 1889.

Vespijerej

„Z r z e s z K a s z e b s k ą”

VZENJIK ARKONĚ

Tragedejô v 4 aktach — AKT PJERSZI

4)

GULICEN:

Mosz, brace, te wognja za cali kraj!
I signje go gvesno, že jakno voj
Vtanje wod Elbe z mera msta
Po Vjislë zberk môchnje i Njece tur.
Ždej, jidë do Szlovë z na sztafeta
I varcë v nim nazod. Ju kanał mur
Cvjardi, ze sercov wuzetech.
Mdze wogarinac coroz vjikszi kraj
Pjersov i remjonov stolovech,

(vëchodô) Oh, vstanje lud, co së bjotkov nje lëk!
A vardze naj nje mdä mercô ezëc jëk.

ALIKS (som — zdrzacë dze vëszed Gul.)

Ju naczëcë dzisi mom spravë städk
I bjotkji ter' puda wo ten tu lëdk.
Te bjotkji co Letov no vëdol part
Wo volnjë, wo zemjë, wo calä MAC.
Dzis cheba nje dozgrze ju bratov gard.
Më cheemë z lat slodë të vjedzä brac,
Že vszëdno dzis jertzmo z naj vjinov je.
Choc chebä jes Rujo roz Letom szla
E vargom tim dała jes vjiksza moc,
To rovnak ce bjerzë na vznjiku vskoz:
Të's nesa bo v klinje, ce moglo strëc
Chebë i bratov vszëdnech gorz;
Te's vjidni wusk njosla Svjantevjita,
Të tesknjicë ledztva le Boskoscë!
Dzisi jë naloz v njebje lud,
Doturzel PROVDE dzis moj lud.
Parlëcznjë gornjä zëvol vrož,
Kol' stolpa tvi božka za kol'cz kjej vloz.
Kontino, kontino! Tak skl'njol
Tobä gard Arkona, že zdrzol
Svjat cali na ce jak na blizë vjid,
Co vskozô tur, drogë na cëchi zberk,
Co venjik dô eiszë. Të buchë skjid
Vargom, a vënjos deszä se
I vsebot v svjëti nom erbom merk.
Arkono, Arkono! mirno mje,
Kjej vjidzë, že dzirskji z ce vëszed duch
I Redë zvëk stölë i jestë chuch
Naji na vjeczni erbom vdor!
Že nje stol le zleje nas v jeden stolp,
A serce, a spjev, ehternim zvëkji kolp
Parlëcë bratov dô gves zdor.
Tu sloda jak cedni zez bojkov kvjat
Kvjitla i v pochu do dzis je.
Kjej lestkov kjelch rozdzar so brzedkji svjat

Navetka i poch vzic mu chce!
Tak wostol z te hevo — rzek Gulicen —
Zvecza, zbjeg z dobecov i z bjotk —
Krzëk jeden, co maçi jesz naju skon;
Slodë, naj ternotë jesz svjodk,
I tak je dzis vszetkjim ter' vszednota,
Co przode ko belo le busznota...
Woj svjece! Jak znjitev rzecz znjicovô
Polisz tak vsebot, jeste, të!
V popjele gjinä jednech skrë.
Le dregjeh moc barži jesz vzenjikô...
I procem cë jem przëszli, rejnjäci
Pod Ruje parg vjedno jesz sklënjäci
Nje spolisz go tere na popjol, v tron,
Nje zrenjisz ju vjici, jak mog jes nom!
Buvrone zleglë ju bjoli...
Le zdrze-že ter, jakji z njeh wostol eëñ!
Sztaturzec je mdë ter' znovu.

Nje bladi, nje zemni jak jejech tam;
Tech vjekji svim zgrezlë zëbjiszczë!
Le z cepä vev želach svech jesz krëvjä,
Le v mjelocë mocnech jak klife, kam
To ledze som! Njima tu rozczvordzä
Tëch bjednech, co zevjë jech robëkjë...

Choc mali jem, zlegnac choc mogë v tim
Jô tobje na rzechot tu kozdi pjeñ
V damjenjim zjinaczë v grzëmot!
Hej, vstañta ter' deche vprzek mocom zlem
Macë bë volnjë dzeñ vstol vnet
(Szteruszk sedzi cëcho)

Ach, rovnak tu dzivno, že jimszëch mël?
Že rodnô tu zemja mô dzejov zël?
Oh, të Pomorenkov naj zemjiszcze,
Szczescë lat snozëch knopjiczëch!
Moj të lubjenjiho vstec kvjotinku,
Zdroju mje szczëpkov vjinnech...
Z lat vdälëch naj spjevo lór spozimku!
Oh, zemjo! Oh zemjiszcze krzekvë — lžë!
Tak vzëlë, tak wupchlë, zabelë v tczë!
Zemjiszcze rodni co v se mosz?
Svojëch tak baro przëcigosz
Jakno le matka sercë vjë!
Chorankë devosz nosnožnjë
Oh, vjidze të najëch tak czëžkjëch dnji!
Naj slüñce — naj njebol choc pjëklo zdrzi...
Czejë jô cebje — czesz mje
Lubotné moje zemjiszcze!

(Czëc coroz bleži granjë)

pvm.

Snoźnjô Kaszebskji zemji

Ve vanodze po zemji kaszebskji nje možno se spodzoc pesznotë alpejskjej gorov czë przesnozotë połajowech krojnow. Snoźnjô noterë kaszebskji zemji je skr mjeszô i mjiŷ wëmogalnô. Źle moź jesz wew se pœczëjã domocã, kãsk provdac dzeŷã, jakã nalezesz w krojwobrozku kaszebskjim nje mďã ce grędi tej wanogji pjehti, jakji tu leno sã jedurni. Njima njick pesznjesziho nad takji wanogji, co mozesz je woprzestac koźdihô szterku, wodpoczivajãcë v canje borov dzes nad cechim jezorë czë szemarzãcã struźkã. Vjic pojme v gorovati naji kroj, dze nalezemë źevjicã wonjãci danovji ë lestovi bore pëlmi czornech jagodov i czervjonech borovkov, lasovech kvjotkov i vszëdnhô ôrtu zeliho. Pojmez szpacerã bez mjitkji pod mechã chojnovi borë, to znovuszku v mokleznje bez pjoskji, kamjenje i vrzose. Dzevovac mdzemë sę snoźnjã klorovnech vesoko položonech, v wobremku przitkijch strãdov, jezor. A v strzodku njich njeroz spotkomë malinkji wostrove, dze ãim nom vëszpjoni zataconi strzod szdu checze. Zagves wuzdrzimë na jezorze rëboka v jedinë na czolnje, a v njedzelnï czas bôtë pëlmi njedzelnostrojnych chłopov i bjałkov plënacëch do noblezsi koscelni vsë. . .

Vanozmë bez njižave pëlmi zelonech łãkov. Zabovjac mdze naji tam szemar struźkov, co turzãcë bez rzmjasti wokola bjegsã do njižavnech rzekov. Vetrvalo vanožë i bez wokola pjoskov wubogo zalesoni vrzosovjiska, dze leno z rzodka sę spotikô wubožechnã heczë.

Lud tu wubogji z bjedã vëzec moze na tak letkjim gruńce wobsevanim bulvã ë letevkã. Na pozdrzãdk mďã na naju wobojetno ni ledze zdrzelë. Na prosbë rovnak žeczno nom podadzã vodë, pokožã stegnë bez bezdrożeszczã krzov i drzewjët, źle do njech mdzemë przëjemni i z njima sę dorozmjejemë. Zagves sę spitosz czë kureszce takô vanoga sę woplaci. Wodpovjodajë — jo! Źle javernota žëciho nje zabjela v ce donãdkã vseczecô pjëkna; źle sę rozmjejesz dzevovac samotnim na rzmjastim a letkjim gruńce kvjotkom; źle cę zabovjô zeleń drzewov i krzov wonjãciho jałowca czë pocigô źevjiczni poch borov, snožnosc vodov. Vanoga pjeszkã le dlo naj më vortnotë, co sę rozmjeja dzevovac zavjitrzkovji slunuszka strzod reni rosë, chterni krople na vjetvach i szpilkach borov, kjejbë tesãce brilantov ve farvje gornjë sę sklëmã. Pesznô je takô vanoga bez zeloni lase i drzemjãci bore przë vzenjiku sluńca, nad klorovnã vodã samotnihe, v wobremku zelonoscë łãkov i polov jezora. Njeroz so wodpocznesz na przitkijm mechë wobrosłim strãdze jezora po grëdze reni wanogji. Nje vëtrzymje provdac kaszebskô snoźnjô pœrovnanjiho z wokolama

barzi przez Stvorëcë vzbogaconima, Njima tu vjinem poroslech wurzmov czë povjestnech rejnov, anji snjegjë pokretech Alpov czë lodovcov, wodospodov, anji zavartni gonjivë svjata, jakji sę spotikô na Zopodze czë Połnju. Kaszebskô krojna më skromni stroj, wuplotli z lasov, jezor, struźkov ë z grzepov i rzmov provdac nje sigajãcëch njeba, ale na chterneh rovnak je možno so svježim povjetrzim wod-dichnac. Zemja na stroji sę jedurno ve vrzose czë bezvemogalni kvjoteczkji polni, rovnak kuleź nalezesz czekavech rzeczov i grëdzô sę woplaci. Vjic spjesz sę vew drogë a mďã ce vjitalë i peszni bore, i snozi njižave, belni rzmë, i klorovni jezora. Dob etno poznej tvoję rodnã zemję ë jesz ję barzi lubjec mdzesz!

Z dokozku „Wanderungen durch die sogenannten Kaschubei”, Karol Pernin — 1886 r.

JAN PATOCK

Cëdovno koszela

(Povjostkji kaszebskji, dzël II.)

Pevjen gbur kaszebskji mjol trzech senov, dvaji belë mądri, a ten trzeci bel głupi. Jedniho dnja sedzel stori wojc przë pjecku i czetol gazetë. Stojalo tã wo jednim krolu, co choł rod vjedzec, co jego wovce žarłë. Chtobe mu to mog povjedzec, ten be dostol bogatã nogrodë. Rzek nestarszi sin:

— Tatku, muszi to bęc głupi krol, co nje vje, co wovce źgrzã! To mu wu nas na Kaszebach moze koźdi knop povjedzec. Muszi teź mjec głupech ledzi v svojim kraju. Pozvolcë, jô pudë i mu povjem, co wovce źgrzã.

Woje sę na to zgëdzël. Sin szed v svjat ë przëszed na zomk krolevskji. Krol przëjãł go laskavo i rzek:

Zanekej moje wovce na vedë, pasë je cali dzeň ë vjeczor povjesz mje, czim wone sę źevjã. Jele nje povjesz provdë, to mďã tobje nos ë wuszë wucëti.

Nekoł wovce na łãkë. Kole drogji v rovje sedza storô baba. Pita sę: E dze tã nekosz te wovce? Won wodpovjedzel: E co ce to wobchodzi? I rznãł babsko batogjë. Wovce przëszlë nad jezoro ë lezel tã vjolgji kam. Baran pobod kam trzë raze ë voda jezora sę rozstãpja ë wovce zgjinëłë. Pasturz stojol nad brzegjë ë bel baro smutni ë zakłopotani. Nje vjedzel, co mjol zrobic. Chëł sę ju wutopjic ze zmartyjenjô v jezorze. Ale voda sę jesz rozstãpja ë wovce przëszlë nazod. Pasturz wurvol trovë ë klevrë, zvjazol snopk ë nëkoł wovce na dvor krolevskji. Krol pitol sę:

— Cëž moje wovce jedzã?

Pasturz wodrzek:

— Trovë i klever, ë pokozol svoj snopk.

Ale krol povjedzol: To moje wovce nje jedza. Zavolol na kata, a ten wucol bjedokovji nos e wu-
sze. Tak zespaconi przewedrovol dodom e povjod-
dol, jak mu to wu krola szlo. Dregji sin rzek:

— Te glupi torbo, dobrze ce zrobile, bo nje
vjesz, co wovce na vedze zgrza. Jo pode e povjem
krolovji provde. Szed v svjat, przeszed na zomk
krolevskji e nekol wovce na vedu. Kole drogji sedza
na storu baba e pita se, dze wovce nek?

— To cebje njiek nje wobchodzi, rzek e rznol
babsko batogje.

Przeszed nad jezoro, baran pobod trze raze kam
na brzegu, voda se rozstapja. e wovce zgjinele. Ale
won se nje klopotol, zvjazol snop sana, e za godzene
wovce vrocele z jezora. Nekol je na krolevskji zomk
e rzek do krola: Sano zgrza tvoje wovce!

Krol ale przewolol kata, a ten wucal pasturzo-
vji nos e wusze e vegnol go ze zomku. Przeszed
dodom e wopovjodol, jak to mu szlo. Wojc go ve-
szkalovol e rzek:

— Nje vjedzel jo, ze mom tak glupach senov,
co nje vjedza, co wovce zgrza. Tejde vlez ze za
pjecka glupi Mjichol e rzek:

— Tatku, pozwolce mje v svjat so jic, jo gvesno
krolovji povjem, co jego wovce zgrza. Jidze, wod-
povjedzel wojc, i tobje wonji wusze e nos wo-
berzna. Mdzesz przeno mi vdzrdzol jak tvoji braco.

Mjichol glupi szed v svjat, przeszed na dvor
krolevskji. Krol kozol mu svoje wovce na vedu nek-
kac, a Mjichol szed za strzoda. Zos sedza storu
baba v rovjie przu drodze. Mjichol je grzeczno po-
zdrovjel e podarovol ji talora. Pita go se: Sinku,
dze te nekosz krolevskji wovce?

— Nje vjem jo to som, stareszko. Jide dze wo-
ne jida, mom le krolovji na vjeczor povjedzec, co
wone zgrza, ale jak jo moge to vjedzec, jo glupi
Mjicholk. Baba povjedza:

— Sinku, te dlo mje bel dobri e jo tobje dom
dobru radu. Prziadzesz do jezora, a na brzegu lezi
vjolgi kam. Trzemej se przu tim storim baranje.
Jak won mdze bod kam, te skocz na njego e trze-
mej se za jego dluga velne. Vzetko jini te som
mdzesz vjedzel. Mjichol podzekovol babje e szed
za wovcama. Przeszed nad jezoro e lezel tam
vjolgi kam. Wustapjel se przu baranje, e jak ten
bod kam, skocz na njego e trzimol se za jego
velne. Jezoro se rozstapjelo e Mjichol ridovol na
baranje i przeszed do koscola. Wovce wuklekle so
przed voltorzem e zamjenjile se na ledzi. Jedne sa-
dle se v lavje, dregji veszle na chur, a baran szed
do zokresteje, woblok se e jakno ksadz szed do
voltorza. Jeden zapolel svjeckji, dvaji sluzele do
msze, e jeden grof na worganach. Rozpoczelo se
nobozenstvo msze svjeti. Mjichol sod v lavu e se
gorlevje modlel. Po nobozenstvie szle vszetcu do

spovjedze e Mjichol tez. Po tim przestapjelo do
komonje svjeti. Mjichol tez, ale chostje vjal z ge-
be e zavjnal je v czestu chustke e schovol do kje-
szenje. Ledze zamjenjile se znovu v wovce, veszle
z koscola e plupi Mjichol szed z njima. Przu jezo-
rze skok znovu na barana, e przeridovol szczestle-
vje na brzeg.

(Postepni vatk mdze)

Grędi nasze namjenjenje...

Dnja 2 ezervjica wo godzenie 13 wumar ve
Gdińsku belni Kaszeba-Bracin z najiho karna zrze-
szincov

sp. Franc Labuda

lat 38, seroecę bjalke i troje molech dzieci. Wu-
marlimu slechõ se wod naju poczestnosc i vspomink.
Vspomink, bo ve Gdińsku njecel midze Kaszebama
belnotu i mjelotu Taczecznę. Jeho mova doma bela
leno Kaszebskõ, a dzece tez tak wucel, vchovivol.
Kjej z blezneta rozmovjal wo Kaszebach, vstec pra-
zel vjidzec wu ac ve Gdińsku belni teater kaszebskji
spjeve i stroj naji. Lubjel svojszczecnu prostu de-
szu wupartihu Kaszebę, co vjerzel vstec, ze Gduńsk
prziidze przez nas do Polskji. Wo poczestnoscę
jaka mjel sp. Labuda svjodezi pogrzeb i wodczę-
tanje nad grobu przez chovajęciho ksędzę parafiję
Christusa Krola.

Spoczal na smętorzu Stolzenberg — namjenjenje
dalo mu svoje! Me trzeci pokolenje jsmę na nje
buszni. Requiescat in pace.

Tcza jeho pamjecz!

„Spjace vojsko” na zdrzadnje karteskji

Dnja 20 ezervjica v Hotelu Centralnim v Kar-
tuzach wodgriva Sodalicejo Marjanskõ męskjiho gim.
z Koseerzne dramati Sechtu „Spjace vojsko“. Je to
vedejalezovani patriotezm Kaszebov z njevole Pol-
skji, i veroz tesknjic Kaszebov za jeji wodpojecim.
Dęch ten przenosli na zdrzadnje przebjijol tez
z kozdihõ aktu sztekji. Gra aktorov bela na wogle
dose dobro, a mogla bec lepszo, zebe i zadovolnja
tech, co chele v tim wuzdrzec cos belniho ka-
szebskjiho. Bel gvesni minus. Szlo to z małiho
przejecõ se poszczegolnima situacejama, chterne
dovaja calosc.

Z karna aktorov vrozajel se Mjotk i dobra
godka, jak tez granjim. Won jeden bel Kaszeba;
Mjotezenõ bela tez statecznõ i kuńtetova zdrzaciao.
Dzivni jednak kontrast procemno do starszech tvo-
rzelę jeeh dzece, Lucijka befa naturaljeszõ, ale

Roza nje vězdrza na Rożę ze Spjáciho vojska. Za sztecznô, za kęsô belâ, nje rozmja navetk ze sztecznô płakac! Dova vrażenjë „podlotka”. a ko mja sę vnetk ženjic. Tak samo nje wodpovjodol jeji kavalier — kovol; jęgo ruchę vezdrzałę na nacziđliho. Z tim przesadnim komizmem, chteren sę tvorzi nje przez sytuację v akceję, ale njeszekovnosć głovnech navetk wosobov, muszimę na naji zdrzadnję skuńczec. Mova kaszebskô belno, njesmaczno kaleczonô! To ju ni może strzamac noserovszih skritikovanjô! Chto mô godac (przenojmi jak Sechta pjsze) dobrze po kaszebsku, kjej zdrzadnjô gođo lecho? Jele jidze wo ruchna aktorov, wokoma Mjotka jęgo bjalkji ę ji sasędkji, to nomij mjalę kaszebskjiho. Ruche ehłopov i jich vezdrzenjë wokoma Mjotka dovalę vrażenjë dzevi, njesvojskji. V całosce belo za vjele dynamikji; dobri z poczătku nasladovanjë grżęmotu belo przę kuńcu przęgrzmoceni! To fele, chterne sę ceskalę v wocze. Nadrobjoni belę pjękną, swojską dekorację. Temu tež Spjacę vojsko z vatkama dramateczni norodnim i mjelotnim szczęstlevo rozvjazanima — jeden przez simboleczną vizję wodpojęti Polskji, dregji przez wożenjenjë sę kovola z Rożą — na wogle zadovolnjenjë goscov v salę. Atmosfera belâ jednak njeveraznô i gorzklevô, bo hevoż Kaszebj njedopjiselę! Czemu przęszlę tak mało Kaszebov? Że bel ponjedzolk!? Może. (r)

Co sę czeje ę czetô

Kaszebskô vistava

Dnja 3 lepjińca wotemkłô mdze na dęgszi czas vistava Kaszebskô ve ville vastni Majkovskji, worganizovanô przez v. Fr. Majkovską i v. Aleksandrę, gdovę po najim Mestrze. Vistava mjesci sę v trzech vjększych jizbach. Jedna to jizba kaszebskô z jeji znankama, dregô to węglovô mjesci taką leteraterę kaszebsko-pomorską, bogati zbior porcelanovech ę fajansovech statkov; trzecô jizba to ceramika i haft kaszebskji. Vistava ta gves zaczekavji i przęchłosci do wobzerku lubjęjacech swojszczęznę ledzi,

Zjazd „Cassubii“

Na 3 lepjińca zjeđzđô sę do Kartuz na svoj ferjovi komers P. K. A. „Cassubia“! Główną wuroczęzną mdze vēsvjicęnję stanicę korporację. Dopjerze povstrzimivomę sę wod vērażenjë najigo, zrzeszińcov, wuprocęmnjenjô sę, wustosunkovanjë sę, do „Cassubje“, chterno jednak je vjedno takji, jak svoj do njesvojigo...

Nordovi vjatrę vjeja

Przez Kaszebe vjese leci: nich vzęłę, dregjeh wodesłęłę do Bereze... To tak jak roz kjedes na svjece bivalo... Czestô provda! Chto so zaskorzel

njech cerpji, ale, ale... Ceż je dzisi v svjece za provda? Njech sąđ tejde vēkleje, ehteż z Kaszebov je „godni” berezińskji zupę! Zrzeszińce, chterni maja wobovjzjk vzerac na ne sprave svojim wokję zareagovelę na takji postępkji vladzov lokalnech. Vesłani bel przez Zrzeszińcov telegram do Prezidjum Radę Ministrov, to samo zrobjelę jini partę Kaszebov.

Ten roz nje wogłoszomę vēslaniho telegramu i wod daleksziho pjisanjiho tež sę strzimivomę z nędzeją, że Prezidjum žeczno dlo naju sę tą sprawą zajmje. Jele mdze procęmnno, to całą sprawę v postępnim cządnjiku predstavjimę.

Wo kaszebskjim dramace ledovim

V cządnjiku „Trybuna Literatów i Artystów” Nr. 2-3 czervjińc-lepjińc 1938 — Krakov, wukozel sę czekavi artikjel v. L. Roppla: Narodziny ludowego dramatu kaszubskiego. Autor korzestajacę gves z žeczlevotę przedniho redaktora cządnjika v. Dylowicza do Kaszebov, dosc wobszerno dovô objektivni pozer na naji rozklevajaci sę dramat. V przedesłovku do gvosecviho tematu stvjerdzô autor njezależnotę najiho dramatu wod polskjiho. Njezależnota ta nje jidze z lechiho wuprocęmnjenjiho nas do polskji kulterę, do polskosćę, ale że lud kaszebskji zaczinô doczivac sę svoji vortnotę, jinak przeživô i nje chce mjec te, co dlo nje nje je.

Prôcô ta, vjidzi sę, je pjerszim gonę sintezę najiho dorobjenjô v dramatnjictvje ledovim i v całosce. Autor vskozivô na helni znajorstvo leteraterę, przęczinajacę sę baro do rozgłosnjenjiho naji, choci jesz moli, tvorznjë v kulterze decha szerszimu wogłovi polskjimu. Poznô sę hevo tvorcov dramatu z trafną na wogle kriteką jejech dokozov, jak: Karnovskjiho, Sechtę, Rogana, Hejkjiho, Majkovskjiho, Pjętoviho Tonę (pseud.), Rompskjiho. Artikjel je mjeli dlo Kaszebę i vskozivô, że jednak narodenjë najiho dramatu mô możnotę belniho rozklecô. Z te może so czetińc vēstavjic wobrozk ternjeszi leteraterę dramateczni jakno pozicję leterarną, a to belo gonę autora. Provde naji zgrovę zamikô autor v takjeh słovach:

„...Młodo-Kaszubi postawili sztuce pewne normy, ograniczyli ją, kazali jej nje być złudnym pjęknem maniacym i bawiącym, ale wprzęgli ją w rydwan pracy dla swoich, jako wychowawczynię, wodza i proroka.

Może się to nje wszystkim podobać, ale Kaszubi nje chcą zostać „ludźmi na krze“...

Chto jesz nje zapłacel abonamentu mies., kvart. proszoni je wo przekożanję go nom załaczonim przekożem rozrachunkovim.

Tłukjem „Zrzeszë Kaszebskji“ v Kartuzach.